



**Broj: 01-97/14**  
**Vareš, 31.03. 2014. godine**

**Z A P I S N I K**  
**s 16. sjednice Općinskog vijeća Vareš,**  
**održane 27.02. 2014. godine**

Zdravko Marošević – predsjedavajući Općinskog vijeća Vareš, otvorio je 16. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Zdravko Barkić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Đemo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

**Odsutni:** Nema

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, ispred Službe za prostorno uređenje i obnovu Maja Ajanović, ispred Službe za privredu i finansije – Senad Mahmutović, poslanik u Skupštini ZDK – gosp. Fahrudin Brkić, direktorica JU Centar za socijalni rad Vareš – gosp. Nihada Gondžo i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka sa 15. sjednice OV održane 30.01.2014. godine. Na 15. sjednici OV doneseno je osam (8) Zaključaka, četiri (4) Zaključka su realizovana a četiri (4) Zaključka su u toku realizacije. Postavljeno je osam (8) vijećničkih pitanja. Na tri (3) vijećnička pitanja nadležni su dostavili pismeni odgovor, na dva (2) vijećnička pitanja postavljena od strane vijećnika Elvira Rožajac i Đeme Kevrić, pomoćnik načelnika je prenio kao apel nadležnim, na tri (3) pitanja poslani su dopisi – akti nadležnim institucijama da daju pismeni odgovor, a odnosi se na postavljena pitanja od strane vijećnika Maria Mirčić, Safete Muftić i Emira Islamović

Općinski načelnik Kovačević Avdija u okviru aktualne problematike na području općine Vareš, za današnju sjednicu nije imao obraćanje.

## *(Vijećnička pitanja)*

### **Elvir Rožajac**

1. Da li će se netko ispred Općine izvinuti ljudima koji redovno izmiruju svoje obaveze u pogledu plaćanja naknada prema Općini, a našli su se na spisku? (spisak bio objavljen na web stranici Općine Vareš). O postavljenom pitanju dao je objašnjenje.
2. Da li će se u ovoj godini nastaviti opremanje Osnovne škole (četverorazredne) u Ravnama?

### **Demo Kevrić**

3. Traži od Službe za privredu i finansije spisak građana koji su dobili poticaj od Općine Vareš, po vrstama poticaja kao i iznos za svakog pojedinačno? O postavljenom pitanju dao je i objašnjenje.

Predsjedavajući OV stavio je na raspravu Zapisnik sa 15. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 15. sjednice OV, te nakon izjašnjavanja vijećnika konstatuje da je **Zapisnik sa 15. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 16. sjednicu OV koji je usaglašen na Kolegiju Općinskog vijeća i prijedlog za dopunu dnevnog reda 16. sjednice OV dostavljen od strane Općinskog načelnika koji se odnosi na dopunu dnevnog reda sa tačkom 4. „Prijedlog Odluke o ukidanju statusa javnog dobra u općoj upotrebi (Prnjavor)“ i tačkom 5. „Prijedlog Odluke o ukidanju statusa javnog dobra u općoj upotrebi (Duga Luka)“, s tim da se ostale tačke iz poziva pomjere za dva naviše.

Za riječ se javio pomoćnik načelnika Ermin Musa koji je predložio izmjenu naziva jednog Prijedloga Odluke, s obzirom da imaju identičan naziv, tako da se naziv predložene tačke 5. mijenja i glasi „Prijedlog Odluke o ukidanju statusa dobra u općoj upotrebi“.

Nije više bilo prijedloga i predsjedavajući OV stavio je na izjašnjavanje prijedlog dnevnog reda za 16. sjednicu OV sa predloženom dopunom i izmjenom naziva Prijedloga Odluke, te nakon izjašnjavanja vijećnika konstatuje da je **jednoglasno usvojen s l i j e d e ć i**

### *D n e v n i r e d*

1. **Prijedlog Odluke o usvajanju Strategije razvoja i unapređenja socijalne zaštite općine Vareš za period 2014.-2017. godine .**
2. **Prijedlog Odluke o kriterijima, načinu i postupku raspodjele sredstava iz granta za neprofitne organizacije/udruženja građana koji se finansiraju ili sufinansiraju sredstvima budžeta općine Vareš.**
3. **Prijedlog Odluke o dodjeli jednokratne novčane pomoći nezaposlenoj majci / porodilji novorođenog djeteta.**
4. **Prijedlog Odluke o ukidanju statusa javnog dobra u općoj upotrebi.**

5. Prijedlog Odluke o ukidanju statusa dobra u općoj upotrebi.
6. Nacrt Odluke o privremenom korištenju državnog zemljišta-javnih površina na području općine Vareš.
7. Izvještaj o rješavanju upravnih stvari u upravnom postupku svih Općinskih službi za upravu u 2013. godini.
8. Izvještaj o provođenju Strategije razvoja općine Vareš.
9. Informacija o stanju i podacima usluga koje pruža Centar za pružanje usluga građanima za 2013. godinu.
10. Informacija o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje Vareš.
11. Informacija o planiranim i realizovanim aktivnostima u oblasti turizma i stanju sportsko-rekreacionih i turističkih objekata na području općine Vareš u 2013. godini.
12. Informacija o projektima obnove stambenih objekata na području općine Vareš u 2013. godini.
13. Tekuća pitanja.

#### **Ad. 1.**

*(Prijedlog Odluke o usvajanju Strategije razvoja i unapređenja socijalne zaštite općine Vareš za period 2014.-2017. godine.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjenje Prijedlog Odluke o usvajanju Strategije razvoja i unapređenja socijalne zaštite općine Vareš za period 2014.-2017. godine.

Nakon izjašnjenja vijećnika predsjedavajući OV konstatuje da je **jednoglasno usvojena**

***Odluka o usvajanju Strategije razvoja i unapređenja socijalne zaštite općine Vareš za period 2014.-2017. godine.***

#### **Ad.2.**

*(Prijedlog Odluke o kriterijima, načinu i postupku raspodjele sredstava iz granta za neprofitne organizacije/udruženja građana koji se finansiraju ili sufinansiraju sredstvima budžeta općine Vareš.)*

Komisija za statutarna pitanja i propise na 13. sjednici održanoj 18.02.2014 godine, sa 4 glasa „ZA“ i 1 glasom „PROTIV“ donijela je slijedeći Zaključak:

- **Komisija predlaže da se u Prijedlogu Odluke u članu 1. riječi „u iznosu od 42.000,00 KM, ekonomski kod 614311“ zamijene sa riječima „utvrđenim u budžetu Općine Vareš,“ u članu 3. stav 2. riječi „najkasnije 15 dana od dana stupanja na snagu ove Odluke“ zamijene sa riječima „najkasnije do 01. aprila tekuće godine“, u članu 10. riječi „Općinski načelnik“ zamijene sa riječima „Općinsko vijeće“, u članu 13. riječi „Općinski načelnik“ zamijene sa riječima „Općinsko vijeće“, te je upućuje Vijeću na razmatranje.**

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, sugestije i mišljenja iznijeli vijećnici: Mahira Brkić predložila je da se Prijedlogu Odluke u članu 1. iza riječi „raspodjele“ doda riječ „utvrđenih“, ostali tekst ostaje isti, u članu 4. riječi „Općinski načelnik“ zamijene sa riječima „Općinsko vijeće na prijedlog Općinskog načelnika“, smatra da je diskriminirajuća rečenica u istom članu „Neprofitna organizacija/udruženje građana čiji je član u Komisiji nema pravo kandidovati projekte.“, u članu 5. stav 2. da glasi „Članovi Komisije se mogu iznimno promijeniti u toku trajanja mandata Odlukom Općinskog vijeća a na prijedlog Općinskog načelnika.“, u članu 13. riječi „Općinskom načelniku“ zamijene sa riječima „Općinskom vijeću“.

Mario Mirčić predložio je da se u članu 4. riječ „Odabir“ zamijeni sa riječju „Prijedlog“, u članu 9. da se doda stav 2. koji glasi: „Aplikant može aplicirati samo sa jednim projektom“.

Ismet Abdulahović predložio je da se u članu 5. riječ „Odlukom“ zamijeni sa riječi „Rješenjem“, da se utvrdi najveći iznos koji jedno udruženje može da dobije (do 3.000.KM) i ugradi u član 9.

Elvir Rožajac mišljenja je da se u članu 1. treba brisati rečenica „Sredstva se mogu dodijeliti i udruženjima čije je sjedište na teritoriji druge općine, pod uslovom da se projekat koji se aplicira realizuje u interesu općine i u potpunosti na području Vareša.“

Ispred predlagača Rusmir Berberović pomoćnik načelnika dao je pojašnjenje u vezi Prijedloga Odluke i komentar na predložene prijedloge i sugestije vijećnika u raspravi, te izjavio da ovlaštenu predlagač prihvata stav Komisije za statutarna pitanja i propise.

Predsjedavajući OV Zdravko Marošević u svom obraćanju, a na osnovu izlaganja pomoćnika načelnika Rusmira Berberović, zaključio je da ovlaštenu predlagač prihvata samo stav Komisije, te sugerisao da ako postoji potreba za konsultacijama vijećnika sa predlagačem u vezi predloženih prijedloga, Vijeću da pauzu.

Kenan Kamenjaš predložio je da se tačno precizira tko može biti treći član komisije o čemu je dao objašnjenje.

Ispred predlagača Rusmir Berberović pomoćnik načelnika, u vezi diskusije i prijedloga vezano za izbor trećeg člana Komisije za odabir projekata, mišljenja je da treba da ostane kako je i navedeno u prijedlogu Odluke, o čemu je dao pojašnjenje.

Predsjedavajući OV predložio je i dao pauzu u trajanju od 10 minuta radi konsultacija Klubova vijećnika i predlagača u cilju dogovora vezano za iznesene prijedloge (amandmane)..

Nastavljeno je sa radom sjednice.

Za riječ se javio Rusmir Berberović pomoćnik načelnika i ispred predlagača izjavio da predlagač prihvata stav Komisije za statutarna pitanja i propise, te na osnovu dogovora članova Klubova sa predlagačem u vezi usaglašavanja iznesenih prijedlog vijećnika u raspravi prihvata slijedeće amandmane:

- **u članu 4. rečenica „Neprofitna organizacija/udruženje građana čiji je član u Komisiji nema pravo kandidovati projekte“ mijenja se sa rečenicom „Treći član Komisije će biti izabran iz nevladinog sektora nakon okončanja Javnog poziva iz**

udruženja koje nije apliciralo na Javni poziv.“, riječ „Odabir“ mijenja se sa riječju „Prijedlog“,

- u članu 5. riječ „Odlukom“ mijenja se sa riječi „Rješenjem“,
- u članu 13. briše se rečenica „ U slučaju da aplikant prijavi dva ili više projekata za finansiranje iz budžeta Općine, u obzir će se uzeti samo jedan projekat, o čemu odlučuje Komisija.“

Zaključena je rasprava i predsjedavajući OV stavio je na izjašnjavanje Prijedlog Odluke o kriterijima, načinu i postupku raspodjele sredstava iz granta za neprofitne organizacije/udruženja građana koji se finansiraju ili sufinansiraju sredstvima budžeta općine Vareš sa prihvaćenim amandmanima od strane ovlaštenog predlagача.

Nakon izjašnjavanja vijećnika predsjedavajući OV konstatuje da **je jednoglasno usvojena**

*Odluka o kriterijima, načinu i postupku raspodjele sredstava iz granta za neprofitne organizacije/udruženja građana koji se finansiraju ili sufinansiraju sredstvima budžeta općine Vareš.*

### **Ad. 3.**

*(Prijedlog Odluke o dodjeli jednokratne novčane pomoći nezaposlenoj majci/porodilji novorođenog djeteta.)*

Komisija za statutarna pitanja i propise na 13. sjednici održanoj 18.02.2014 godine, jednoglasno je donijela slijedeći Zaključak:

- **Komisija predlaže da se u preambuli iza riječi „Službene novine ZDK broj: 13/07 dodaju riječi „i 13/11“, u članu 4. riječi „ putem Službe za društvene djelatnosti i boračko-invalidsku zaštitu Općine Vareš (u daljem tekstu: nadležna služba) zamijene sa riječima „ putem nadležne Službe“, u članu 5. stav 2. riječi „ po stupanju iste na snagu“ zamijene sa riječima „ u roku od 30 dana od stupanja na snagu iste“, te je upućuje Vijeću na razmatranje u formi Prijedloga Odluke a ne Nacrta.**

Predlagач je prihvatio stav Komisije.

Predlagач nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici:

Elvir Rožajac sugerise da pravo na jednokratnu novčanu pomoć ima svako novorođeno dijete.

Safeta Muftić predložila je da se u članu 5. briše stavka „Dokaz/Uvjerenje Centra za socijalni rad da porodilja nema primanja po ovom osnovu iz drugih izvora“ te da se doda stavka koja glasi: „Žiro račun podnositelja zahtjeva“.

Mario Mirčić sugerisao je da se definiše da li se jednokratna novčana pomoć dodjeljuje svakom novorođenom djetetu bez obzira na status porodilje/majke vezano za zaposlenost, odnosno nezaposlenost.

Zdravko Barkić mišljenja je da sve porodilje trebaju dobiti jednokratnu novčanu pomoć, o čemu je dao i objašnjenje, te predložio da se u odluci navede da sredstva koja su planirana u budžetu, ne budu realizovana, da se prenesu u fond za narednu godinu.

Mahira Brkić predložila je da se u članu 4. riječ „odlučuje“ zamijeni sa riječima „Rješenje donosi“.

Ispred predlagача Rusmir Berberović pomoćnik načelnika dao je pojašnjenja u vezi izrade Prijedloga Odluke, te predložio da se izmijeni naziv Prijedloga i da glasi „Prijedlog Odluke o

dodjeli jednokratne novčane pomoći majci/porodilji novorođenog djeteta“, te izjavio da bi se trebalo definisati i odlučiti da li će sve porodilje imati isti iznos naknade za novorođeno dijete ili će se praviti razlika u iznosu naknade za zaposlene i nezaposlene porodilje.

U daljnjoj raspravi su učestvovali i iznijeli svoje prijedloge, primjedbe i sugestije vijećnici: Elvir Rožajac, Kenan Kamenjaš, Mato Pavić, Boško Andrić, Demo Kevrić, Zdravko Barkić, Tajiba Brkić, Asmir Čizmo, Općinski načelnik Kovačević Avdija i predsjedavajući OV Zdravko Marošević.

Predsjedavajući OV dao je pauzu u trajanju deset minuta radi konsultacija Klubova vijećnika sa predlagračem.

Nastavljeno je sa radom sjednice.

Za riječ se javio Općinski načelnik Kovačević Avdija i upoznao Vijeće sa prihvaćenim amandmanima:

- **Odluka je u formi Prijedloga,**
- **Odluka mijenja naziv i glasi: „Prijedlog Odluke o dodjeli jednokratne novčane pomoći svakom novorođenom djetetu“**
- **Član 1. glasi „Ovom Odlukom utvrđuju se uslovi za ostvarivanje prava na jednokratnu novčanu pomoć porodicama novorođenog djeteta, postupak utvrđivanja prava, nadležni organ koji odlučuje o pravu i izvor sredstava potrebnih za jednokratnu novčanu pomoć“**
- **Član 2. glasi: „Pravo na jednokratnu novčanu pomoć po ovoj Odluci ima svako novorođeno dijete roditelja koji imaju prebivalište na području općine Vareš najmanje 6 mjeseci prije poroda.“**
- **Član 3. glasi „Jednokratna novčana pomoć u iznosu od 200,00 KM (dvije stotine KM) isplatit će se porodici novorođenog djeteta. Za drugo novorođeno dijete porodici će se isplatiti iznos od 300,00 KM (tri stotine KM). Za treće novorođeno dijete porodici će se isplatiti iznos uvećan za 20%. Za četvrto novorođeno dijete porodici će se isplatiti iznos uvećan za 20% od prethodnog iznosa.“**
- **Član 4. glasi „ O pravu za ostvarivanje jednokratne novčane pomoći majci/porodilji novorođenog djeteta, Rješenje donosi Načelnik Općine Vareš, putem nadležne Službe“.**
- **Član 5. glasi: „Zahtjev za ostvarivanje prava na jednokratnu novčanu pomoć sa potrebnom dokumentacijom dostavlja se nadležnoj općinskoj službi u roku od 60 dana od dana rođenja djeteta. Izuzetno iz stava 1. ovog člana, za djecu koja su rođena u 2014. godini, a prije stupanja na snagu ove Odluke, zahtjev se može podnijeti u roku od 30 dana od stupanja na snagu iste. Uz zahtjev se prilaže: izvod iz matične knjige rođenih, za dijete; kućna lista; CIPS-ova potvrda o prebivalištu majke; ovjerena kopija. Nadležna služba iz člana 4. ove Odluke , dužna je odlučiti o pravu na jednokratnu novčanu pomoć u roku od 15 dana od dana uredno podnesenog zahtjeva.“**
- **Dodaje se novi član 11. koji glasi: „Ukoliko na kraju godine ostane neraspoređenih sredstava , a punjenje budžeta bude u maksimalnom kapacitetu od 100%, izvršit će se uz prethodnu suglasnost Općinskog vijeća, naknadna raspodjela tih sredstava.“**

Predsjedavajući OV stavio je na izjašnjanje Prijedlog Odluke sa prihvaćenim amandmanima.

Nakon izjašnjanja vijećnika predsjedavajući OV konstatuje da je sa **18 glasova „ZA“ i 1 „SUZDRŽANIM“ glasom usvojena**

***Odluka o dodjeli jednokratne novčane pomoći svakom novorođenom djetetu.***

#### **Ad. 4.**

*(Prijedlog Odluke o ukidanju statusa javnog dobra u općoj upotrebi.)*

Komisija za statutarna pitanja i propise na 14. sjednici održanoj 26.02.2014 godine, jednoglasno je donijela slijedeći Zaključak:

- **Komisija nema primjedbi na Prijedlog Odluke, te je upućuje Vijeću na razmatranje.**

Ispred predlagača Ermin Musa dao je kratko objašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o ukidanju statusa javnog dobra u općoj upotrebi.

Nakon izjašnjavanja vijećnika predsjedavajući OV konstatuje da **je jednoglasno usvojena**

***Odluka o ukidanju statusa javnog dobra u općoj upotrebi***

#### **Ad. 5.**

*(Prijedlog Odluke o ukidanju statusa dobra u općoj upotrebi.)*

Komisija za statutarna pitanja i propise na 14. sjednici održanoj 26.02.2014 godine, jednoglasno je donijela slijedeći Zaključak:

- **Komisija nema primjedbi na Prijedlog Odluke, te je upućuje Vijeću na razmatranje.**

Ispred predlagača Ermin Musa dao je kratko objašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o ukidanju statusa dobra u općoj upotrebi.

Nakon izjašnjavanja vijećnika predsjedavajući OV konstatuje da **je jednoglasno usvojena**

***Odluka o ukidanju statusa dobra u općoj upotrebi***

#### **Ad.6.**

*(Nacrt Odluke o privremenom korištenju državnog zemljišta-javnih površina na području općine Vareš. )*

Komisija za statutarna pitanja i propise na 13. sjednici održanoj 18.02.2014. godine, jednoglasno je donijela slijedeći Zaključak:

**-Komisija predlaže da se u preambuli Nacrta Odluke ispravi greška tako da umjesto Sl. novina broj: 13/08 treba da stoji 13/98, te da se dodaju i Sl. novine broj: 8/00 i 2/05, iza riječi „i člana 22.“ brisati riječ „stav 1.“ , član 45. mijenja se i glasi „ Danom stupanja**

na snagu ove Odluke, prestaje da važi Odluka o načinu i uslovima ustupanja građevinskog zemljišta u društvenoj svojini na korištenje, broj: 98/98 od 07.11.1998. godine i Tarifa broj 2. Odluke o komunalnim taksama – Prečišćeni tekst, broj: 01-49/13. od 18.02. 2013. godine i broj: 01-319/13. od 28.11.2013. godine“, te je upućuje Vijeću na razmatranje.

Ispred predlagača Ermin Musa pomoćnik načelnika dao je dodatno objašnjenje za ovu tačku dnevnog reda.

Otvorena je rasprava u kojoj su svoje prijedloge, sugestije i mišljenja iznijeli vijećnici: Elvir Rožajac, Zdravko Barkić, Mario Mirčić, Goran Selak, Nikola Šimić, Ismet Abdulahović, predsjedavajući OV Zdravko Marošević i Ermin Musa pomoćnik načelnika koji je odgovorio na pitanje vijećnika Ismeta Abdulahović postavljeno u raspravi koje se odnosi na status privremenih objekata, te dao dodatno pojašnjenje u vezi iznesenih prijedloga vijećnika. (Nadležna Služba će napraviti pregled i usporedne pokazatelje cijena iz kojih će se vidjeti da li ima povećanja cijena u odnosu na dosadašnje cijene. Nakon sprovedene javne rasprave i usvajanja Odluke svi dosadašnji Ugovori o zakupu će se mijenjati u skladu sa definisanim kriterijima i odlukom.).

Zaključena je rasprava i predsjedavajući OV predložio je slijedeći

#### **Zaključak:**

**1. - Utvrđuje se Nacrt Odluke o privremenom korištenju državnog zemljišta – javnih površina na području općine Vareš.**

**- Nacrt Odluke upućuje se na Javnu raspravu u trajanju od 15 dana.**

**- Zadužuje se Općinski načelnik i Služba za prostorno uređenje i obnovu da pripreme Javnu raspravu u skladu sa aktima Vijeća.**

Nakon izjašnjavanja vijećnika predsjedavajući OV konstatuje da je sa **16 glasova „ZA“** i **2 „SUZDRŽANA“** glasa usvojen predloženi Zaključak.

#### **Ad. 7.**

*(Izveštaj o rješavanju upravnih stvari u upravnom postupku svih Općinskih službi za upravu u 2013. godini. )*

Pomoćnik načelnika Čedomir Jelić dao je objašnjenje za ovu tačku dnevnog reda.

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Izveštaj o rješavanju upravnih stvari u upravnom postupku svih Općinskih službi za upravu u 2013. godini.

Nakon izjašnjavanja vijećnika predsjedavajući OV konstatuje da je **jednoglasno usvojen**

*Izveštaj o rješavanju upravnih stvari u upravnom postupku svih Općinskih službi za upravu u 2013. godini.*



## **Ad.8.**

*(Izveštaj o provođenju Strategije razvoja općine Vareš.)*

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Mahira Brkić, Elvir Rožajac, Mario Mirčić, pomoćnik načelnika Rusmir Berberović koji je dao dodatno pojašnjenje za ovu tačku dnevnog reda i Općinski načelnik Kovačević Avdija koji se kroz raspravu izvinuo svim građanima koji izmiruju svoje obaveze u pogledu plaćanja naknada prema Općini a greškom su se našli spisku objavljenom na web stranici Općine.

Zaključena je rasprava i predsjedavajući OV stavio je na izjašnjavanje Izveštaj o provođenju Strategije razvoja općine Vareš.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 2 „SUZDRŽANA“ usvojen**

### ***Izveštaj o provođenju Strategije razvoja općine Vareš.***

Predsjedavajući OV dao je pauzu u trajanju od 15 minuta.  
Nastavljeno je sa radom sjednice.

## **Ad. 9.**

*(Informacija o stanju i podacima usluga koje pruža  
Centar za pružanje usluga građanima za 2013. godinu.)*

Otvorena je rasprava u kojoj su učestvovali vijećnici Elvir Rožajac koji je dao pozitivan komentar na rad uposlenika u šalter sali i Mario Mirčić koji je uputio dobronamjernu sugestiju vezanu za izdavanje dokumenata na određenom jeziku.

Nije više bilo učesnika u raspravi i predsjedavajući OV stavio je na izjašnjavanje Informaciju o stanju i podacima usluga koje pruža Centar za pružanje usluga građanima za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Informacija o stanju i podacima usluga koje pruža  
Centar za pružanje usluga građanima za 2013. godinu.***

## **Ad. 10.**

*(Informacija o stanju u oblasti privrede i problemima  
u oblasti zapošljavanja, sa osvrtom na podatke o nezaposlenim  
licima koja se vode kod Biroa za zapošljavanje-Vareš. )*

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici:

Safeta Muftić predložila je, odnosno dala na razmišljanje na osnovu datog Prijedloga mjera za rješavanje nezaposlenosti i planiranog prihoda u budžetu od prodaje poslovne zone Kram, da se industrijske zone-zemljište ponudi potencijalnim investitorima za 1 KM uz besplatne administrativne usluge službi Općine, također je predložila da se sva zemljišta, odnosno sve lokacije koje mogu poslužiti svrsi, ponude zainteresiranim investitorima pod istim uvjetima, o predloženom dala je i objašnjenje.

Kenan Kamenjaš u svom izlaganju sugerisao je da srednja škola ponudi informaciju vezanu za potreban kadar u našoj općini, o čemu je dao i objašnjenje.

Ismet Abdulahović dao je komentar na statističke podatke navedene u Informaciji, kao i na podatke u vezi privatizacije na našoj općini, postavio je pitanje zašto se demobilisanim borcima ne isplaćuje razlika naknade na osnovu rješenja. Upoznao je Vijeće da će Klub BPS podnijeti Inicijativu za reviziju privatizacije za sve firme koje su privatizovane na području općine Vareš.

Almir Ciriković iznio je lično mišljenje u vezi obrazovanja i potrebnog kadra na našoj općini.

Zdravko Barkić skrenuo je pažnju na probleme koji su nastali privatizacijom firmi i probleme u vezi obrazovanja i gazdovanjem šuma.

Mario Mirčić u svom obraćanju naglasio je da je veliki problem to što su ograničene ovlasti općina kad je u pitanje upravljanje resursima.

Asmir Čizmo u svom obraćanju uputio je apel građanima da koriste proizvode koji se proizvode na našoj općini, kako bi na taj način dali poticaj proizvođačima za njihov dalji rad.

Tajiba Brkić uputila je apel da prilikom zapošljavanja u PJ Šumarija Vareš, prednost imaju građani sa naše općine.

Predsjedavajući OV Zdravko Marošević u svom obraćanju iznio je mišljenje da situaciju na našoj općini u vezi nezaposlenosti, moramo pokušati riješiti sa novim investicijama i ulaganjima u otvaranje novih radnih mjesta.

Općinski načelnik Kovačević Avdija naglasio je da ova problematika zaslužuje posebnu pažnju, iznio je određene činjenice vezane za hronologiju dešavanja u vezi privrede na našoj općini. Na osnovu vođene rasprave predložio je da Vijeće uz prijedlog mjera u Informaciji usvoji zaključke:

-da se na osnovu Inicijative BPS uputi dopis Tužilaštvu ZDK u kome bi na osnovu naših saznanja i sumnji, preložili da se izvrši revizija svih privatizacijskih ugovora uključujući i sve stečajne postupke koji su u zadnjih 10-15 godina vođeni na našoj općini. O istom obavijestiti Vladu ZDK i resorno ministarstvo

- da za narednu sjednicu OV nadležna Služba pripremi informaciju i da se pozove menadžment srednje škole, obzirom da je Općina Vareš osnivač, da se vidi kako i na koji način možemo kao zakonodavni organ ove društveno-političke zajednice, uticati eventualno na definisanje politike srednjeg obrazovanja.

Za riječ se javio vijećnik Ismet Abdulahović i upoznao Vijeće sa Inicijativom Kluba BPS koja se odnosi na reviziju privatizacije za sve firme koje su privatizovane ugovorom o privatizaciji na području općine Vareš.

Predsjedavajući OV je nakon konsultacija i na osnovu prijedloga iznesenih u raspravi stavio na izjašnjavanje Informaciju o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje Vareš. i slijedeći

### **Zaključak:**

- **Vijeće podržava prijedlog mjera za rješavanje nezaposlenosti koji su sastavni dio Informacije o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje –Vareš.**
- **Vijeće podržava Inicijativu Kluba BPS u kojoj se traži od Agencije za privatizaciju ZDK da u što kraćem roku (zakonskom) dostavi Općinskom vijeću Vareš ugovore i anekse ugovora koji su sklopljeni između prodavača i kupca firmi sa područja općine Vareš i Informaciju o realizaciji Ugovora.**
- **Zadužuje se Služba za društvene djelatnosti i BIZ da pripremi i za narednu sjednicu Općinskom vijeću dostavi Informaciju ( o definisanju politike srednjeg obrazovanja u smislu osnivanja odjeljenja određenih zanimanja za potrebe pravnih lica u Varešu) i da se kod rasprave o Informaciji na OV, pozove na sjednicu menadžment MSŠC Nordbat 2.**

Nakon izjašnjavanja vijećnika predsjedavajući OV konstatuje da **je jednoglasno usvojen predloženi Zaključak i**

***Informacija o stanju u oblasti privrede i problemima u oblasti zapošljavanja, sa osvrtom na podatke o nezaposlenim licima koja se vode kod Biroa za zapošljavanje Vareš.***

### **Ad. 11.**

*(Informacija o planiranim i realizovanim aktivnostima u oblasti turizma i stanju sportsko-rekreacionih i turističkih objekata na području općine Vareš u 2013. godini. )*

U raspravi je učestvovao vijećnik Elvir Rožajac koji je iznio mišljenje koje se odnosi na seoski turizam na području općine Vareš.

Zaključena je rasprava i predsjedavajući OV stavio je na izjašnjavanje Informaciju o planiranim i realizovanim aktivnostima u oblasti turizma i stanju sportsko-rekreacionih i turističkih objekata na području općine Vareš u 2013. godini.

Nakon izjašnjavanja vijećnika predsjedavajući OV konstatuje da **je jednoglasno usvojena**

***Informacija o planiranim i realizovanim aktivnostima u oblasti turizma i stanju sportsko-rekreacionih i turističkih objekata na području općine Vareš u 2013. godini.***

### **Ad. 12.**

*(Informacija o projektima obnove stambenih jedinica u 2013. godini. )*

Komisija za obnovu i kapitalna ulaganja na 1. sjednici održanoj 24.02.2014. godine jednoglasno je donijela slijedeći Zaključak:

- **Komisija nema primjedbi na predloženu Informaciju i istu upućuje Općinskom vijeću na razmatranje.**

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o projektima obnove stambenih jedinica u 2013. godini.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Informacija o projektima obnove stambenih jedinica u 2013. godini.***

**Ad. 13.**

*(Tekuća pitanja.)*

1. Predsjedavajući OV upoznao je Vijeće sa Zahtjevom MZ Vareš Majdan, broj: 31-1/14 od 24.02.2014. godine, koji se odnosi na saniranje ruševnih objekata u ul. Metalsaka u Vareš Majdanu. Dopis je dostavljen i Općinskom načelniku. Predsjedavajući OV konstatovao je da na području općine Vareš ima mnogo ruševnih objekata, te da su za njihovu sanaciju potrebna velika finansijska sredstva. Vijeće je primilo Zahtjev k znanju.
2. Vijećnik Elvir Rožajac ispred stranke Naša stranka zamolio je Vijeće da se očituje o smanjenju vijećničkih naknada predsjedavajućem OV i vijećnicima u OV na iznos u visini prošle naknade, te da se od tih sredstava formira fond za pomoć najugroženijim porodicama. O predloženom je dao i obrazloženje.

Predsjedavajući OV je iznio lično mišljenje u vezi iznesenog prijedloga, te sugerisao i dao na razmišljanje da predsjedavajući OV ili Općinski načelnik organizuju sastanak Klubova vijećnika i političkih partija na kome bi se razmotrilo eventualno donošenje takve odluke za narednu godinu.

3. Vijećnik Mario Mirčić predložio je da za sjednicu OV koja će se održati u martu mjesecu tekuće, Vijeće dobije informaciju o realizaciji sprovođenja Odluke o zabrani sječe i izvozu oblovine, shodno Odluci OV donesenoj prošle godine i informaciju o realizaciji Odluke o uspostavi JP ŠPD Šumarstvo Vareš i Olovo (na osnovu sastanka koji je zakaza za 10.03.2014. godine).

Zatražio je od Vijeća da se očituje o informaciji da je glavni federalni inspektor zabranio sanitarnu sječu u vodozaštitnim zonama. Naglasio je da Vijeće ima odgovornost da se očituje o tome, jer je Vijeće svojim odlukama proglasilo vodozaštitne zone i u vezi s tim predložio zaključak da se uputi dopis prema Federalnoj inspekciji da federalni inspektor zajedno sa predstavnicima JP ŠPD PJ Šumarija Vareš izađu na lice mjesta i konstatiraju stanje u vodozaštitnim zonama i shodno tome da se poduzmu određene mjere.

Otvorena je rasprava u kojoj su svoje prijedloge, primjedbe, mišljenja i stavove iznijeli: gosp. Fahrudin Brkić, predsjedavajući OV Zdravko Marošević, vijećnik Kenan Kamenjaš, vijećnik Elvir Rožajac, vijećnik Zdravko Barkić, vijećnica Tajiba Brkić, vijećnik Mario Mirčić, vijećnik Elvir Rožajac i Općinski načelnik Kovačević Avdija.

Nakon sprovedene rasprave i iznesenih prijedloga, predsjedavajući OV predložio je i stavio na izjašnjavanje slijedeći

## Zaključak:

- Vijeće prihvata prijedlog Zaključka vijećnika Maria Mirčić da Vijeće uputi dopis prema Federalnoj upravi za inspekcijske poslove da Federalni inspektor za vodoprivredu zajedno sa predstavnicima ŠPD PJ Šumarija, izađu na lice mjesta i konstatiraju stanje u vodozaštitnim zonama i shodno tome da se poduzmu određene mjere u rješavanju problema, koji je nastao donošenjem Rješenja o zabrani *sanitarne* sječe od strane inspektora u vodozaštitnim zonama na području općine Vareš.

Nakon izjašnjavanja vijećnika predsjedavajući OV konstatuje da je sa **16 glasova „ZA“** i **2 „SUZDRŽANA“** glasa usvojen predloženi Zaključak.

Predsjedavajući OV u svoje lično ime i u ime Općinskog vijeća čestitao je svim građanima općine Vareš 1. mart Dan nezavisnosti BiH i svim ženama 8. mart Međunarodni dan žena.

Sastavni dio ovog Zapisnika je audio zapis sjednice.

Sjednica je završena u 21,20 sati.

**SEKRETAR**

**Leon Pavlović**

**ZAPISNIČAR**

**Azra Ibrahimović**

**PREDSJEDAVALAČI**

**Zdravko Marošević**